



田家五行目錄

上卷

正月類 二月類 三月類 四月類

五月類 六月類 七月類 八月類

九月類 十月類 十一月類 十二月類

天文類 地理類

下卷

草木類 鳥獸類 鱗魚類 三旬類

六甲類雜占氣候類種作涓吉類畜牧食品

祥瑞類

卷附

田家五行拾遺

田家五行紀曆撮要

東方朔探春歷紀

目錄

新刻田家五行卷上

田舍子之婁元禮言鶴天迹

全庵子與胡文煥德甫校

正月類

元日值立春主民大安○有雷主禾麥皆吉有雪夏

秋大旱日出時有紅霞絲貴○喜晴天微陰東北

風主大熟諺云歲朝東北五禾大熟俗指壬癸亥

子之方謂之水門其方風來大水諺云歲旦西北

風大水定妨農西南風米貴東風及南風皆旱○

歲時禱記云五更將杓插在腰信步行出門聽傍

說甚言吉則吉凶則凶○風土記云服赤小豆二
七粒面東齏汁下一年無疾○荆楚歲時記云平
日投麻子一七粒井中辟瘟○醫書八神屠蘇飲
用藥八味入絳囊隔夜掛井中或水缸平旦以酒
連囊煎三五沸自幼至長面東飲之免一年瘟疫
之疾○換桃符不討火不汲水不掃地○年朝把
筆百事大吉

立春風色晴雨雪大率與元日同○看土牛占歲
事其釋色本按立春日之干支納音然田家目此
占之頗驗頭黃主熟又專主菜麥大熟青春多瘟

赤春旱黑春水白春多風身色主上鄉蹄色主下
鄉四時占同前

東方朔以新年八日占八事休咎晴為祥雨為殃日
一雞二犬三豬四羊五馬六牛七人八穀是也
秤水上旬十二日以下十二月之水旱專取一瓦瓶
每朝取水秤重則雨多輕則雨少假如初一管正
月初二管二月之類

穀日俗名上八日宜晴此夜若雨元宵如之諺云上
八夜弗見參星月半夜弗見紅燈○量月影占水
是晚立一丈竿於平地候月光纔有影即量之據

田家五行卷上
其長短移於水面就橋柱或船棚等柱上痕記之
梅水必到記所水鄉取影短為吉○看參星若星
在月西約丈許以下謂之參得過以上謂之太過
主大旱在月東謂之參不過主水

上旬子日占歲事括云甲子豐年丙子旱戊子蝗虫
庚子叛惟有壬子水滔滔只在正月上旬看月上旬
得辛三口前主旱七日外主水餘平如得壬得辰
等日皆不甚准

上元日晴春水少括云上元無雨多春旱清明無雨
少黃梅夏至無雲三伏熱重陽無雨一冬晴天台

術士張寅谷傳○探宮繭以麩作繭蒸之餚內占
水旱驗各人流年休咎楊誠齋詩云小兒欲求得
官早小女只求蠶事好○爆李婁燒乾鍋以糯穀
爆之曰李婁花占稻色卜人口皆爆一把以花多
斷吉已上二事縱不甚信亦可為田家及時之樂
○祀紫姑俗謂之坑三姑娘娘以箕挿筓就廁婦
人禱之以卜蠶桑之事及請畫花樣以求巧若男
子見之即退

十六日謂之落燈夜晴主旱又喜東南風水鄉最宜
其年低田大熟

田家五行卷上
二十日謂之秋收日晴主秋成

雨水後陰多主少水高下大熟諺云正月墾坑好種
田

月內雷多主人氏不安○月蝕粟賤及盜賊多○虹
現七月穀貴

二月類

朔日值驚蟄主蝗值春分歲歎風雨主米貴

初二日東作輿俗謂上工日田家雇傭工之人俱此
日執役之始故名上工雨主妨農○是朝見冰主
旱

驚蟄前後有雷謂之發蟄○禱占云凡雷發聲初起
民主米賤震歲稔巽坤蝗虫離旱兌五金長價乾
民災坎主水

初八日祠山誕辰東南風謂之上山旗主水西北風
謂之下山旗主旱彼中值西北風人皆泣蓋山田
畏旱故也

十二日夜空晴可折十二夜夜雨大抵二月怕夜雨
若此夜晴雖雨多亦不妨越人陳元義云二月得
十二箇夜晴則一年雨

晴調勻更十二夜中
又雨為水潦年歲矣

春分日占風東主麥賤歲豐西麥貴南五月先水後

旱北米貴一倍前後一日內雷主歲稔
十五日為勸農日晴和主豐風雨主歉

寒食清明前二日是必有雨甚准荆楚歲時記云冬
至後一百五日必有疾風甚雨謂之寒食杜詩云
寒食少天氣清明多柳花言氣候之常也

月內虹見東主秋米貴西主蠶貴十夜以上雨主水
霜多主旱○虹見一云秋成見收

三月類

朔日值清明王草木榮值穀雨年豐一云年內多雷
大旱風雨主人災百虫生雷五穀熟

清明日喜晴諺云簷頭插柳青農人休望晴簷頭插
柳焦農人好作嬌又括詳上元下

上巳即初三日聽蛙聲占水旱上晝叫上鄉熟下晝
下鄉終日叫上下齊熟諺云田鷄叫得啞低田好
稻把田鷄叫得响田內好牽漿唐詩云田家無五
行水旱卜蛙聲正此謂也○諺云三月初三晴桑

上掛銀瓶三月初三雨桑葉成苔脯又云雨打石
頭斑桑葉錢價難言蠶魚准葉倏貴也賤也雨在
石上流桑葉好喂牛言蚕損葉無用也

黃姑浸種日即十六日西南風主大旱上鄉人見此

卽懸百文錢於簷下風力能動則舉家失聲相弔
言風愈急愈旱故有撈起已浸種之說其應驗緊
切如此

穀雨前一兩朝霜主大旱是日雨則魚生必主多雨
二麥紅腐不可食用

月內有暴水謂之桃花水則多梅雨無滂亦無乾雪
不消則九月霜不降雷多歲稔虹見九月米貴

四月類

朔日值立夏主地動值小滿主凶災大風雨主大水
小則小水晴主旱老農咸謂此日最緊要若雨有

重種二禾之患

立夏日者日暈有則主水諺云一番暈添一番湖塘
八日最宜密雲不雨諺云四月初八晴料峭高田
好張鈞四月初八晴寡寡鮎魚倒竈下四月初八
烏漉禿不論上下一齊熟○是夜雨損麥諺云二
麥不怕神共鬼只怕四月八夜裏雨大抵立夏後
夜雨多便損麥蓋麥花夜吐雨多花損故麥粒浮
秕也

十四日晴主歲稔諺云有利無利且看四月十四東
南風尤妙家富放債者專看此日

十六日看月上早無雲紅色主大旱遲而白色主水
夜深主大水有雲主草多雲黑主有蟹諺云有穀
無穀且看四月十六又云月上早低田收稻好月
上遲高田剝者稀

二十日小分龍晴分懶龍主旱雨分健龍主水東南
風分黑龍主旱正南風分赤龍主大旱西南風分
黃龍主上下大熟西北風分白龍主大水東北風
分青龍主小水

月內日暖夜涼主少水諺云日暖夜寒東海也乾虹
見米貴

五月類

朔日值芒種主六畜凶值夏至主冬米大貴大風雨
主牛貴人肌來年春米貴又云天雨五朔不出一
年民大飢蝗虫起諺云初一雨落井泉浮初二雨
落井泉枯初三雨落連太湖又云一日值雨人食
百草又云一日晴一年豐一日雨一年歉

立梅芒種日是也陰陽家云芒後逢壬立梅至後逢
壬梅斷或云芒種逢壬是立徵按風土記云夏至
前芒種後雨為黃梅雨田家初插秧謂之發黃梅
逢壬為是○芒後半月內西南風諺云梅裏西南

時裏潭潭排年試看但此風連吹兩日則雨立至
○畏雷諺云梅裏雷低田折舍回言低田巨浸屋
無用也甚驗或云聲多及震响反早徃徃經試才
有雷便有雨遍插秧之患大抵芒後半月課之禁
雷天又云梅裏一聲雷時中三日雨○立梅日早
謂之迎梅雨一云主早諺云雨打梅頭無水飲牛
雨打梅額河底開坼一云主水諺云迎梅一寸送
梅一尺禱占云此日雨卒未晴試以二日比較近
年纔是無雨雖有黃梅亦不多不可不知也
重五日只宜薄陰但欲晒得蓬痛步結切便好大晴
枯病也

主水雨主絲綿貴大風雨主田內無邊帶風水多
也○祀五瘟鬼以角黍之類五月為惡月五日為
惡日也揭門符以辟邪老幼男女皆佩符○飲雄
黃菖蒲酒亦辟瘟也

夏至月初主水諺云夏至端午前抄手種年田言田
没人閒也雨謂之淋時雨主久雨○占風南大熱
西南六月水橫流諺云急風急沒慢風慢沒西秋
大雨西北傷百物北山水暴東北主雨米貴東八
月人病東南傷百果○至後半月為三時頭時三
日中時五日末時七日時雨中時主大水若末時

縱雨一善括云夏至未過水袋未破諺云時裏一
日西南風准過黃梅二日雨又云時裏西南老龍
奔潭皆主旱全不應晚轉東南必晴諺云朝西暮
東風正是旱天公○末時得雷謂之送時主久晴
諺云迎梅雨送時雷送去了並弗回○諺云黃梅
天日多幾番顛

喫井水禽也在夏至前叫主旱諺云夏至前喫井叫
有車箇恰喫無車箇嘯

鷓鴣一名淘河鷺鷥之屬其狀異常每來必主大水
近至正庚寅五月十八日方梅水漲忽見此恠數

十自西而東衆謂沒田先兆一老農云不妨夏至
前來曰犁湖正後曰犁途以其嘴之形狀相似湖
言水深途言水淺今至後八日此後雨脚斷水退
矣雖然疑信不決後果天晴高下皆得成熟若此
至前至後便分禍福兩端可謂奇驗占候者慎之
大分龍卽二十日占候與小分龍同

冬青花占水旱諺云黃梅雨未過冬青花未破冬青
花已開黃梅雨不來

月內夏至前田內曬死小魚主水口開卽至易過閉
反是虹見麥貴有三卯宜種稻有應時之雨曆法

日家五行卷上
統宗云五月三卯種稻為上

六月類

朔日值大暑主人多病遇田主歲多飢風雨主米貴
初三日雨難稿稻諺云六月初三晴山篠盡枯零六
月初三一陣雨夜夜風潮到立秋

小暑日雨名黃梅顛倒轉主水東南風及成塊白雲
起至半月舶棹風主水退蕪旱無南風則無舶棹
風水卒不能退諺云舶棹風雲起旱魃精空歡喜
仰面看青天頭中落在麻拆裏東坡詩云三時已
斷黃梅雨萬里初來舶棹風正此日也

初六日晴主收乾稻雨謂之湛輓耳雨主有秋○諺
云六月不熱五穀不結老農云三伏中稿稻天氣
又當下壅時最要晴晴則熱故也又云六月蓋夾
被田裏無張屁言涼冷則雨多雨多則水大沒田
無疑矣月令云季夏行秋令則丘隰水潦禾稼不
熟又云伏裏西此風臘裏船不通主冬冰堅秋稻
糝又云六月無蠅新舊相登米價平

夏秋之交稿稻還水後喜雨諺云夏末秋初一劑雨
賽過唐朝一團珠言及時雨絕勝無價寶也

月內虹見主麥貴日蝕主旱有西南風生虫損稼諺

云秋前生虫損一莖發一莖秋後生虫損了一莖
無了一莖螟蟲騰賊是也

七月類

朔日值立秋與處暑主人多疾風雨人不安

立秋日天晴主萬物少得成熟小雨吉大雨主傷禾
齊民要術云晴主歲稔未詳孰是○有雷損晚稻
諺云秋霹靂損晚穀大抵秋後雷多晚稻少收非
但忌此日○喜西南風主田禾倍收諺云三日二
石四日四石○此日服赤豆七粒面西井花水下
一秋無痢疾

七夕西南風為金風不要簸匾言無秕穀也星月下
女子輩陳瓜果祀天孫織女謂之乞巧

中元日卽十五日也簫杆生日雨謂之簫杆做生日
主撩水稻

十六日雨名洗鉢盂雨主荒言十方寺觀每年四月
十五日結夏上堂七月十五日解夏散堂此日卽
雨故名下年荒必停堂也

月內月蝕應來年牛馬貴虹多主米貴又田禾不收
諺云秋前蠶蠶箇穀米下來秋後蠶蠶箇穀米上去

八月類

朔日晴主連冬旱宜姜畧得雨宜麥一云風雨宜麥
主布貴麻子貴十倍又云月以初一要晴唯此月
要雨好種麥○侵晨以瓦器於草頭收露濃磨墨
頭疼者點太陽穴勞瘵者點膏肓謂之天灸

白露遇火日主蝗虫難種菜○雨為苦雨稻禾需之
則白颯蔬菜需之則味苦諺云白露日箇雨來一
路苦一路又云白露前是雨白露後是鬼其時之
雨片雲來便雨稻花見日吐出陰雨則收正吐之
時暴雨忽來卒不能收遂致白颯之患若連朝雨
反不為災不免擔閣吐秀有皮殼厚之病稼穡之

難不可不察

十一日卜來年水旱侵晨或隔夜於無風浪水邊作
一準則至晚看漲主水退主旱平亦少水又主當
年好種麥晴尤妙

秋分占風離方凶巽有強盜至震萬物不實穀貴艮
多陰雨坎冬大寒乾人多相掠兌民安歲稔坤平
○酉時西方有白雲起如馬羊者是分氣主年大
稔有黑雲相混雜者兼宜麻豆○要微雨或陰天
最妙○諺云分了社穀米徧天下言豐稔穀米多
也社了分穀米如錦墩言荒穡穀米難得也社同

日並田叫屈言荒熟不同也歲時廣記云秋分在社前斗米換斗錢秋分在社後斗米換斗豆越人云社了分穀米不出村分了社穀米如苔鮮然曆家分社或前或後或同日自有定式天下水旱豐歉各處不同由此推之占者勿拘焉○喜雨諺云麥秀風搖稻秀雨澆此言將秀得雨則堂肚大穀穗長秀實之後雨則米粒圓見收數○畏旱諺云田怕秋乾人怕老窮秋熱損稻旱則必熱○怕秋水撩稻諺云雨水滄沒產全收不見半月內雨多主牛貴虹見秋米貴○諺云三卯三庚麥

出低坑言低田亦可種麥也三庚三卯麥出坳巧言只高田可收也○月大盡主水災并少菜

九月類

朔日值寒露主寒溫不時值霜降主多雨及來年飢荒有風雨主來年春旱夏水麻子貴十倍風自東來半日不止主米麥皆貴

重九日晴則冬至元日上元清明四日皆晴雨則皆雨又主竈荒括云重易無雨一冬晴詳上元下○諺云九日雨米成脯又云重易濕漉漉穰草千錢東○占風色下來年豐歉西北風范單口裏風凶東

田家五行卷上
南風后崇口裏風吉○登高避厄○荆楚歲時記
云飲茱萸酒以驅疫

月內有雷主穀貴虹見主人災霜不下主來年三月
多陰寒

十月類

朔日值立冬主有災異晴則一冬多晴雨則一冬多
雨亦多陰寒諺云賣絮婆子看冬朝無風無雨哭
號吽

立冬日西北風主來年旱天熟○晴過寒諺云立冬
晴過寒弗要樞柴積又主有魚○雨主無魚諺云

一點雨一箇模魚鷓○冬前霜多主來年旱冬後
多晚禾好○其日用斗量米米若綴在斗上主來
年春米陡貴甚驗

十六日為寒婆生日晴主冬煖此說得之崇德舉人
徐伯和自江東石洞秩滿而歸傳云彼中客旅遠
出專看此日若晴煖則但用隨身衣服而已不必
他備言極有准也

月內虹見主麻穀貴月蝕主魚鹽貴有雷主災疫諺
云十月雷人死用耙推有霧俗呼曰沫露主來年
水大仍相去二百單五日水至老農咸謂極驗或

云要看霧着水面則輕離水面則重諺云十月沫
露塘濫十一月沫露塘乾

十一月類

朔日值大雪與冬至皆主凶災風雨宜麥西風主賊
起

古語云明正暗至又諺云晴乾冬至濕藻年二
說相反又云開熱冬至冷淡年則其意可知初無
相關吳人尚冬欲晴故也或云冬至雨年必晴冬
至晴年必雨此說頗准○觀雲須於子時至平旦
占之有准青雲北起歲熟民安赤雲黑雲白雲入災

黃雲大熱無雲大凶○占風南來穀貴北來歲稔
東來乳母多死西來禾熟沈存中筆談云東南風
謂之歲露有大毒若飢感其氣開年着瘟病又云
風色多與下年夏至相對○農桑輯要云欲知來
年五穀所宜是日取諸種各平量一升布囊盛之
埋窖陰地後五日發取量之息多者歲所宜也

月內雨雪多主冬春米賤有雷主春米貴冬至前米
價長後必賤落則反貴諺云冬至前米價長貧兒
受長養冬至前米價落貧兒轉蕭索有霧主來年
旱諺云一日折過十月內三日月令云仲冬行夏

日家五行卷上
二十五
令則其國乃旱氛氣冥冥雷乃發聲亦此意也晦
日風雨來春少水

十二月類

朔日值大寒主有虎出為災值小寒主有祥瑞東風
半日不止主六畜大災風雨主表

立春在殘年主冬暖諺云兩春夾一冬無被暖烘烘
○至後第三戌為臘臘前三兩番雪謂之臘前三
白大宜菜麥諺云若要麥見三白又云臘雪是被
春雪是鬼又主來年豐稔諺云一月見三白田翁
笑嚇嚇謝靈運賦云盈尺則呈瑞於豐年又主殺

蝗虫子諺云一寸雪入土一尺一尺雪入地一丈
東坡詩遺蝗入地應千尺

二十四日吳中人家皆祀竈神俗傳竈君將朝天言
人間善惡事祀之祈求善辭語云與其媚於奧寧
媚於竈○昏時鄉人燎火于野名曰照田蚕看火
色占來年水旱白主水紅主旱猛烈主豐萎衰主
歎風取東北為上

二十五日夜煮赤豆粥大小人口皆食之在外之人
亦留候其歸謂之口數粥亦驅瘟疫

除夜燒糝盆爆竹看火色與田蠶同意○占風諺云

日家五行卷上
今夜東北明年大熟○秤水今夜取水秤明朝換
水秤比輕重占法同前○是夜安靜為吉諺云除
夜犬不吠新年無疫癘相傳其夜有行瘟使者降
於人間以黃紙書天行已過揭於門額
月內有霧主來年有水風雨主來年六月七月內橫
水

天文類

論日○日暈則雨諺云月暈主風日暈主雨○日脚
占晴雨諺云朝又天暮又地主晴反此則雨○日
沒後起清白光數道下狹上闊直起亘天此特夏

秋間有之俗呼青白路主來日酷熱○日生耳主
晴雨諺云南耳晴北耳雨日生雙耳斷風截雨若
是長而下垂通地則又名白日幢生久晴○日出
早主雨出晏主晴老農云此時言久陰之餘夜雨
連旦正當天明之際雲忽一掃而捲即光日出所
以言早少刻必雨立驗言晏者日出之後雲晏開
也必晴亦甚準蓋日之出入自有定刻實無早晏
也愚謂但當云晴得早主雨晏開主晴不當言日
出早晏也占者悟此理○日外自雲障中起主晴
諺云日頭蕙雲障晒殺老和尚○日沒返照主晴

俗名為日返塢一云日沒臘脂紅無雨也有風或
問二候相似而所主不同何也老農云返照在日
沒之前臘脂紅在日沒之後不可不知也○諺云
烏雲接日明朝不如今日又云日落雲沒不雨定
寒又云日落雲裏走雨在半夜後已上皆主雨此
言一朵烏雲漸起而日正落其中者○諺云日落
烏雲半夜拐明朝晒得背皮焦此言半天元有黑
雲日落雲外其雲夜必開散明必甚晴也又云今
夜日沒烏雲洞明朝晒得背皮痛此言半天上雖
有雲及日沒下去都無雲而見日狀如岩洞者也

○已上皆主晴甚驗

論月○月暈主風何方有關卽此方風來○新月卜
雨諺云月如掛弓少雨多風月如偃瓦不求自下
又云月偃偃水漾漾月子側水無滴○新月落北
主米貴荒諺云月照後壁人食狗食○作竊者易
敗果驗

論星○諺云一箇星保夜晴此言雨後天陰但見一
兩星此夜必晴○星光閃爍不定主有風○夏夜
見星密主熱○諺云明星照爛地來朝依舊雨言
久雨正當黃瓜卒然雨住雲開便見滿天星斗則

豈但明日有雨當夜亦未必晴

占論風○夏秋之交大風及有海沙雲起俗呼謂之風潮古人名之曰颶風言其貝四方之風故名颶風有此風必有霖淫大雨同作甚則拔木偃禾壞房室決堤堰其先必有如斷虹之狀者見名曰颶毋航海之人見此則又名破帆風○凡風單日起單日止雙日起雙日止○諺云西南轉西北搓繩來絆屋又云半夜五更西天明拔樹枝又云日晚風和明朝再多又云惡風盡日沒又云日出三竿不急便寬大凡風日出之時必畧靜謂之風讓日

大抵風自日內起者必善夜起者必毒日內息者亦和夜半息者必大凍已上並言隆冬之風○諺云風急雨落人急客作又云東風急備簑笠風急雲起愈急必雨○諺云東北風雨太公言良方風雨卒難得晴俗名曰牛筋風雨指丑位故也○諺云行得春風有夏雨言有夏雨應時可種田也非謂水必大也經驗○諺云春風踏脚報言易轉方如人傳報不停脚也一云既吹一日南風必還一日北風報谷也二說俱應○諺云西南早到晏弗動草言早有此風向晚必靜○諺云南風尾北風

日家五行卷上
頭言南風愈吹愈急北風初起便大○春南夏北
有風必雨○冬天南風三兩日必有雪

論雨○諺云雨打五更日晒水坑言五更忽有兩日
中必晴甚驗○晏雨不晴○雨著水面上有浮泡
主卒未晴○諺云一點雨似一箇釘落到明朝也
不晴一點雨似一個泡落到明朝未得了○諺云
天下太平夜雨日晴言不妨農也○諺云上牽晝暮
牽齋下晝雨噤噤○諺云病人怕肚脹雨落怕天亮
亦言久雨正當昏黑忽自明亮則是雨候也○雨
夾雪難得晴○諺云夾雨夾雪無休無歇○諺云

快雨快晴道德經云飄風不終朝驟雨不終日○
凡雨喜少惡多○諺云千日晴不厭一日雨落便

厭

論雲○雲行占晴雨諺云雲行東雨無踪車馬通雲
行西馬濺泥水沒犁雲行南雨潺潺水漲潭雲行
北雨便是好晒穀○上風雖開下風不散主雨○
諺云上風皇下風隘無蓑衣莫出外○雲若砲車
形起主大風○雲起下散四野滿目如烟如霧名
曰風花主風起○諺云西南陣單過也落三十言
雲陣起自西南來者雨必多尋常陰天西南障上

亦雨○諺云太婆年八十八弗曾見東南陣頭發
又云千歲老人不曾見東南陣頭雨沒子田言雲
起自東南來者絕無雨○凡雨陣自西北起者必
雲黑如潑墨又必起作眉梁陣主先大風而後雨
終易晴○天河中有黑雲生謂之河作堰又謂之
黑豬渡河黑雲對起一路相接亘天謂之女作橋
雨下濶則又謂之合羅陣皆主大雨立至少頃必
作滿天陣名通界雨言廣濶普遍也若是天陰之
際或作或止忽有雨作橋則必有掛帆雨脚又是
雨脚將斷之兆也不可一例而取○凡雨陣雲疾

如飛或暴雨乍傾乍止其中必有神龍隱見易曰
雲從龍是也○諺云旱年只怕沿江挑水年只怕
北江紅一云太湖晴上文言亢旱之年望雨如望
恩纔是四方遠處雲生陣起或自東引而西自西
而東俗所謂排也則此雨非但今日不至必每日
如之卽是久旱之兆也此吳語也故指北江為太
湖若是晚霽必兼西天但晴無雨諺云西北赤好
晒麥○陰天下晴諺云朝要頂穿暮要四脚懸又
云朝看東南暮看西北○諺云魚鱗天不雨也風
顛此言細細如魚鱗斑者一云老鯉斑雲障晒殺老

和尚此言滿天雲大片如鱗故云老鯉往往試
各有准○秋天雲陰若無風則無雨○冬天近晚
忽有老鯉斑雲起漸合成濃陰者必無雨名曰護
霜天諺云識每護霜天不識每著子一夜眠
論霞○諺云朝霞暮霞無水煎茶主旱此言久晴之
霞也○諺云朝霞不出市暮霞走千里此皆言雨
後乍晴之霞暮霞若有火焰形而乾紅者非但主
晴必主久旱之兆朝霞雨後乍有定雨無疑或是
晴天隔夜雖無今朝忽有則要者顏色斷之乾紅
主晴間有褐色主雨滿天謂之霞得過主晴霞不

過主雨若西天有浮雲稍厚雨當立至

論虹俗呼曰蠶○諺云東蠶晴西蠶雨諺云對日蠶
不到晝主雨言西蠶也若蠶下便雨還主晴

論雷○諺云未雨先雷船去步來主無雨○諺云當
頭雷無雨卯前雷有雨凡雷聲響烈者雨陣雖大而
易過雷聲殷殷然響者卒不晴○雷初發聲微和
者歲內吉猛烈者凶甲子日尤吉○雪中有雷主
陰雨百日方晴○東州人云一夜起雷三日雨言
雷自夜起必連陰

論電○夏秋之間夜晴而見遠電俗謂之熱閃在南

主久晴在北主便雨諺云南閃千年北閃眼前○
北閃俗謂之北辰閃主雨立至諺云北辰三夜無
雨大恠言必有大風雨也

論冰○冰後水長名長水冰主來年水冰後水退名
退水冰主旱若冰堅可履亦主水

論霜○每年初下只一朝謂之孤霜主來年歉連得
兩朝以上主熟上有鎗芒者吉平者凶春多主旱
論雪○其詳在十二月下雪而不消名曰等伴主再
有雪久經日照而不消亦是來年多水之兆也

地理類

論山○遠山之色清朗明爽主晴嵐氣昏暗主作雨
○起雲主雨收雲主晴尋常不曾出雲小山忽然
雲起主大雨○久雨在半山之上山水暴發一月
則主山崩却非尋常之水

論地○地面濕潤甚者水珠出如流汗主暴雨若得
西北風解散無雨○石磔水流亦然○四野鬱蒸
亦然

論水○夏初水底生苔主有暴水諺云水底起青苔
卒逢大水來○水際生靛青主有風雨諺云水面
主青靛天公又作變○諺云大水無過一周時言

天道久雨山澤發洪水橫流江河陡漲之易也
○諺云大旱不過周時雨大水無非百日晴言天
道須是久晴則水方能退也故論潮者云晴乾無
大汛合而言之可見水漲之易退之難也如此○
凡東南風退水西北反爾此理蓋只是吳中太湖
東南之常事往年初冬大西北風湖水泛起吳江
人家皆俱浸水中風息復平謂之翻湖水纔是南
風連吹半月十日便可退水三二尺又不還漲○
水邊經行聞得水有香氣主雨水驟至極驗或聞水
腥氣亦然○河內浸成包稻種既沒復浮主有水

新刻田家五行卷上

新刻田家五行卷下

田舍子

婁元禮

鶴天

述

全庵子

胡文煥

德甫

校

草木類

論草○五穀草占稻色草有五穗近本莖為早色腰
末為晚禾隨其穗之美惡以斷豐歉未必極驗但
其草每年根根相似○茆蕩內春初雨過菌生俗
呼為雷蕈多則主旱無則主水○草屋久雨菌生
其上朝出晴暮出雨諺云朝出晒殺暮出濯殺○
看窠草一名干戈謂其有刺故也蘆葦之屬叢生

於地夏月暴熱之時忽自枯死主有水○諺云頭
學生子沒殺二學二學生子旱殺三學○芟草水
草也村人嘗剥其小白嘗之以卜水旱味其甜主
水已來亦未止味鏤氣主旱已來亦已定

論花○梧桐花初生時赤色主旱白色主水○扁豆
五月開花主水○杞夏月開結主水○藕花謂之
水花魁開在夏前主水○冬青花詳見五月類○
野薔薇開在立夏前主水○麥花晝放主水○鳳
仙花開在五月主水○槐花開一遍糯米長一遍
價○豐苦水旱四等草花禱占云薺菜先生歲欲

甘葶蘆先生歲欲苦藕先生歲欲雨蒺藜先生歲
欲旱蓬先生歲欲荒水藻先生歲欲惡艾先生歲
欲病皆以孟春占之係江南農事云

論木○凡竹筍透林者多有水○楊樹頭並水際根
乾紅者主水此說恐每年如此不甚應

鳥獸類

論飛禽○諺云鴉浴風鵲浴雨八八兒洗浴斷風雨
鳩鳴有還聲者謂之呼婦主晴無還聲者謂之逐
婦主雨○鵲巢低主水高主旱俗傳鵲意既預知
水則云終不使我沒殺故意愈低既愈知旱則云

終不使晒殺故意愈高朝野僉載云鵲巢近地其
年大水○海燕忽成羣而來主風雨諺云烏肚雨
白肚風○赤老鴉含水叫雨則未晴晴亦主雨老鴉
作此聲者亦然○鴉旧叫早主雨多人辛苦叫晏
晴多人安閒農作次第○夜間聽九道遙鳥叫卜
風雨諺云一聲風二聲雨三聲四聲斷風雨○鶴
鳥仰鳴則晴俯鳴則雨○鵲噪早報晴明日乾鵲
○冬寒天雀羣飛翅聲重必有雨雪○鬼車鳥北
人呼為九頭虫夜聽其聲出入以下晴雨自北而
南謂之出窠主雨自南而北謂之歸窠主晴古詩

云月黑夜深聞鬼車○喫鷓叫主晴俗謂之賣蓑
衣○鷓叫諺云朝鷓晴暮鷓雨○夏秋間雨陣將
至忽有白露飛過雨竟不至名曰截雨○家鷄上
宿遲主陰雨○燕巢做不乾淨主田內草多○母
鷄背負鷄雛謂之鷄蛇兒主雨○喫井鷓鴣竝載
五月下

論走獸○獺窟近水主旱登岸主水有驗○圍塍上
野鼠爬池主有水必到所爬處方止○鼠咬麥苗
主不見收咬稻苗亦然倒在根下主礮下米貴狗
銜在洞口主困頭米貴狗
爬地主陰雨每眠灰堆高處亦主雨狗咬青草喫

主晴○狗向河邊喫水主水退○鐵鼠其臭可惡
白日啣尾成行而出主雨○猫兒喫青草主雨○
絲毛狗褪毛不盡主梅水未止

論龍○龍下便雨主晴凡見黑龍下主無雨縱有亦
不多白龍下雨必多水鄉諺云黑龍護世界白龍
壞世界○龍下頻生旱諺云多龍多旱○龍陣雨
始自何一路只多行此路無處絕無諺云龍行熟
路

論魚○魚躍離水面謂之秤水主水漲高多少增水
多少○凡鯉鯽魚在四五月間得暴漲必散子散

不盡水未止盛散水勢必定夏至前後得黃鱔魚
甚散子時雨必止雖散不甚水終未定最緊○車
溝內魚來攻水逆上得鮎主晴得鯉主水諺云鮎
乾鯉濕又鯽魚主水鱮魚主晴○黑鯉魚脊翼長
接其尾主旱○夏初食鯽魚脊骨有曲主水○漁
者網得死鰕謂之水惡故魚着網即死也口開主
水立至易過口閉來遲水旱不定○鰕籠中張得
鱮魚風水

論雜虫○水蛇蟠在蘆青高處主水高若干漲若干
回頭望下水即至望上稍慢○水蛇及白鰻入鰕

籠中皆主大風水作○蟹螭水虫也沿至乾地高處言水亦到其處不甚驗○春暮暴煖屋木中出飛蟻主風雨平地蟻陣作亦然○驚探頭占晴雨諺云南望晴北望雨○蚌浮主有水不驗○田角小螺兒名曰鬼螭浮於水面主有風雨○杜恰蝦蟆之厲叫得響亮成通主晴諺云杜恰叫三通不用問家公言報晚晴有準也○田鷄噴水叫主雨○蚱蜢蜻蜒黃虫等虫在小滿以前生者主水俗呼是魚口中食謂其纔經風雨俱死於水故也○黃梅三時內蝦蟆尿曲有雨大曲大雨小曲小雨

○蛙聲詳見上巳○一蛙初出變化得多主水○蚯蚓俗名曲蟾朝出晴暮出雨

三旬類

論朔日○晴主月內晴○雨謂之交月雨主久陰雨若此先連綿有雨反輕○風吹月建方位主米貴自建方來為得其正萬物各得其所晴雨各得其宜

論旬中尅應○新月下有黑雲橫截主來日雨諺云初三月下橫雲初四日裏雨傾盆○月盡無雨則來月初必有風雨諺云廿五廿六若無雨初三

初四莫行船○廿五日謂之月交日有雨主久陰
○廿七日最宜晴諺云交月無過廿七晴

六甲類

論甲子○諺云春雨甲子乘船入市言平地可通舟
禱也夏雨甲子赤地千里一云赤尺古字通用言
為水阻跬步若千里之艱也一云赤荒也如赤脚
赤髀之赤言千里內無一物也秋雨甲子禾頭生
耳禾一作禾工部秋雨嘆云禾頭生耳黍穗黑註
按朝野僉載云未作禾者非冬雨甲子飛雪千里
牛羊凍死凡甲子日晴主兩月內多晴雨則久雨

妨農尋常經驗極準一說甲子春雨主夏旱六十
日夏雨主秋旱四十日此說蓋取其久陰之後必
有久晴諺云半年雨落半年晴甲子遇雙日是雖
甲子雖雨不妨

論壬子○春雨人無食夏雨牛無食秋雨魚無食冬
雨鳥無食又云春雨壬子秧爛蚕死又云雨打六
壬頭低田便罷休一云更須看甲寅日若晴拘得
過不妨諺云人子是哥哥羊柰甲寅何若得連晴
為上不然二日內亦當以壬子日為主○一說壬
子雨丁丑晴則陰晴相半二日俱晴六十日內少

雨二日俱雨主六十日內雨多近聞此說累試有驗
論甲申○諺云甲申尤自可乙酉怕殺我言申日雨
尚庶幾酉上雨主久雨一云春甲申日則主米暴
貴又云閩中見四時甲申日雨則富家閉糶價必
踊貴也吳地密最畏此二日雨故特以怕殺二字
表其可畏之甚也每試極准

論甲戌庚必變○諺云久雨久晴多看換甲○又云
甲午旬中無燥土○又云甲雨乙拘○又云甲日
雨乙日晴乙日雨直到庚○又云久晴逢戌雨久
雨望庚晴○又云逢庚須變逢戊須晴又云久雨

不晴且看丙丁○又云上火不落下火滴涎言丙
丁日也○又云論納音○又云庚辛自拘寅午不
同也

論鶴神○巳酉日下地東北方乙卯轉正東庚申轉
東南丙寅轉正南辛未轉西南丁丑轉正西壬午
轉西北戊子轉正北癸巳上天在天上之北戊戌
日轉天上之南甲辰轉天上之東己酉復下周而
復始括云纔逢癸巳上天堂己酉還居東北方上
天下地之日晴主久晴雨主久雨轉方稍輕若大
旱年雖轉方天並不作變諺云荒年無六親旱年

無鶴神○巳亥庚子巳巳庚午謂之水主土多是
值雨○庚申日晴甲子必晴○丁未日雨穀百虫

氣候類

凡春雷和而反寒必多雨諺云春寒多雨水元宵前
後必有料峭之風謂之元宵風

○凡春有二十四番花信風梅花風打頭棟花風
打末○二月初有水謂之春水○二月八日張大
帝生日前後必有風雨極準俗號為請客風送客
雨正日謂之洗街雨初十謂之洗厨雨○二月二
上工故諺元河東西好使犁此時之雨正是一犁

春雨諺云水成田衣成人無衣不成人無水不成
田種田不稱水田僅可種豆○立春後五戌為社
其日雖晴亦多有微雨數點謂社公不喫乾糧果
驗○諺云清明斷雪穀雨斷霜言天氣之常○東
作既興早起夜眠春間最為要緊古語云一年之
計在春一日之計在寅○夏四月清和天氣為正
○必作寒數日謂之麥秀寒即月令麥秋至之後
○芒種後雨為黃梅雨夏至後為時雨此時天公
陰晴易變諺云黃梅天日多幾番顛○諺云黃梅
天氣變向老婆頭邊也要擔了蓑衣箬帽去○夏

至日最長諺云夏至日莫與人種秧冬至日莫與人打更○夏至後九九氣候諺云一九二九扇子弗離手三九二十七冰水甜如蜜四九三十六出汗如出俗五九四十五頭帶秋葉舞六九五十四乘涼不入寺七九六十三上床尋被單八九七十二思量蓋夾被九九八十一家家打炭塹○六月有水謂之賊水言不當有也○秋稍涼氣候之正節月令涼風至之候○八月又作新涼諺云處暑後十八盆湯○又云立秋後四十五日浴堂乾○中旬作熱謂之潮熱又名八月小春○十八日潮

生日前後有水謂之橫港水○九月初有雨多謂之秋水○社日應候田翁樂事並與春社同但景物異耳唐詩云楓林社日鼓茅屋午時鷄○早稻嵐晚稻嵐落縵天蓼花水浴車嵐路雨○中氣前後起西北風謂之霜降信有雨謂之濕信未風光雨謂之料信雨霜降前信前信易過善後來信了信必嚴毒此信乾濕後信必如之諺云霜降了布衲著得言已有暴寒之色○又云暴寒難忍熱難當○水到此必退古語云霜降水痕收○維時酒家開沽諺云香橙鱉鱓月○季秋刈穫之忙俗

日家玉行卷一
諺云畚金取寶月○冬初和暖謂之十月小春又
謂之晒糯穀天此時禾稼已登正是農家為沉醉
佳處詩云一年好景君須記最是橙黃橘綠時○
漸見天寒日短必須夜作諺云十月無工只有梳
頭喫飯工○又云河東西好使犁河射角好夜作
○立冬前後起西北風謂之立冬信月內風頻作
謂之十月五風信○諺云冬至前後瀉水不走○
至後九九氣候諺云一九二九相喚弗出手三九
廿七離頭吹感策四九三十六夜眠如鷺宿五九
四十五太陽開門戶六九五十四貧兒爭意氣七

九六十三布衲檐頭搭八九七十二貓狗尋陰地
九九八十一犁耙一齊出○十二月謂之大禁月
忽有一日稍暖即是大寒之候諺云一日赤膊三
日齧齧○諺云大寒須守火無事不出門○又云
大寒無過丑寅大熱無過未申○諺云臘月廿四
五錐刀不出土

論月○月初始生前月大盡初二晚見前月小盡初
三晚見諺云大二小三○初五夜裏更半月初八
廿三上落半夜十二夜裏天亮月十三四大明月
著地十五十六正團圓十七十八正轉宣十八九

田家五行卷下
坐可守二十十一月上一更急二十二三月上
半闌殘二十四五六月上好煮粥二十七與八日
月東方一齊發二十九夜畧有○上弦初七八九
下弦二三四

論潮○每半月逐日候潮時有詩訣云午未未申甲
寅寅卯卯辰辰巳巳午午半月一遭輪夜潮相對
起仔細與君論○十三二十七名曰水起是為大
汛各七日二十初五名曰下岸是為小汛亦各七
日○諺云初一月半五時潮又云初五二十夜岸
潮天亮白遙遙又云下岸三潮登大汛○九天道

久晴雖當大汛水亦不長諺云乾晴無大汛雨落
無小汛

涓吉類

耕作田吉日

乙丑 己巳 庚午 辛未 癸酉 乙亥 丁丑

戊寅 辛巳 壬午 乙酉 丙戌 丁亥 己丑

辛卯 癸巳 甲午 己亥 辛丑 壬寅 甲辰

乙巳 丙午 己酉 癸丑 甲寅 丁巳 己未

庚申 辛酉

浸穀種吉日

甲戌 乙亥 壬午 乙酉 壬辰 乙卯
下秧吉日

辛未 癸酉 壬午 癸未 甲午 甲辰 乙巳
丙午 丁未 戊申 己酉 乙卯 辛酉 己亥
乙未 宜成日 收日

插秧吉日

甲子 乙丑 丁卯 己巳 癸酉 己亥 丙子
己卯 庚辰 癸未 甲申 乙酉 乙丑 辛卯
癸巳 乙未 戊戌 庚子 辛丑 壬寅 癸卯
丙午 戊申 己酉 癸丑 戊午 己未 庚申

辛酉 癸亥

不收成日

丙辰 壬辰 辛亥謂之天地不成 乙未謂之

天地不成 凡播種皆合忌之

種作忌九焦日 即所謂枯焦日也

正辰 二丑 三戌 四未 五卯 六子 七酉
八午 九寅 十亥 十一申 十二巳

壟田吉日

用火日為吉謂丙寅丁卯甲戌乙亥之類

壟田忌土鬼有九日

癸巳 甲午 乙酉 辛丑 壬寅 巳酉 庚戌
丁巳 戊午

龍巖變吉日

九月 甲子 丙寅 庚午 辛未 壬申 丙子
辛巳 癸未 甲申 癸巳 甲午 丙申 巳亥
庚子 丙午 戊申 丁巳 己未 庚申 壬戌
癸亥

十月 甲子 乙丑 丁卯 庚午 壬申 癸酉
丙子 丁丑 巳卯 壬午 癸未 甲申 戊子
己丑 辛卯 乙未 戊戌 己亥 庚子 癸卯

丙午 壬子 甲寅 乙卯 己未 庚申 壬戌
十一月 甲子 乙丑 丁卯 壬申 癸酉 甲戌
丙子 巳卯 甲申 己丑 丁酉 壬寅 癸卯
甲辰 戊申 癸丑 甲寅 辛酉 壬戌

巳上並不犯小大二耗四耗天空亡等凶俱合
天月二德黃道明星等吉宜龍巖變主出息

龍巖變忌日

年月執破二辰是謂大耗小耗皆凶

龍巖坐向忌方

年月執破二方坐向皆忌之則吉也

穀米入倉吉日

庚午 甲戌 乙亥 丙子 巳卯 辛巳 壬子

癸未 巳酉 戊子 巳丑 庚寅 乙未 壬寅

癸卯 甲辰 巳酉 丙辰 癸亥

田事避忌實錄

田祖卽神農氏甲寅日死 田主乙巳死辛亥葬

田父丁亥死丁未葬 田母丙戌死丁亥葬 田

夫丁亥死辛亥葬 巳上並忌開田耕作耕耘

后稷癸死專忌播種

種菜吉日

庚寅 辛卯 壬戌 戌寅

種麥吉日

庚午 辛卯 辛巳 庚戌 庚子 辛卯

種瓜吉日

甲子 巳丑 庚子 壬寅 乙卯 辛巳

種麻豆吉日

甲子 乙丑 壬申 丙子 戊寅 壬午

壬寅 芝麻忌西南風不忌則悉變為草

買牛吉日

丙寅 丁卯 庚午 甲申 丁酉 戊戌 庚戌 戊午

又正月寅戌戌日 六月申卯未日

取牛吉日

初五 初七 初八 十九 二十 廿三

廿四 廿五 廿八 廿九 三十

穿牛吉日

巳丑 戊辰 辛未 甲戌 乙亥 乙酉

辛巳 戊子 乙乙 乙丙 戊午 己未

穿牛吉神

密止有日

戊辰 乙亥 己丑 丁巳 丙申 壬午

庚戌

更得月内值黄道之明星

併天月二德者尤佳也

穿牛凶神

血忌 血支 血刃 天狗

食畜二神各註于後

血忌 正丑 二未 三寅 四申 五卯 六酉

七辰 八戌 九巳 十亥 十一午 十二子

天狗食畜

春子 夏卯 秋午 冬酉

教牛吉日

庚午 壬午 甲午 辛亥 壬子 甲寅

發牛吉日

二月驚蟄後 五子日 甲丙戊三寅日

丁癸二卯日 五午日 己辛二未日

甲申日 乙丁巳癸四酉日 甲戌日

乙癸二亥日 不犯牛火血勾絞等凶神

發牛忌獨火方

括云 子年東北丑寅東兔坎龍蛇入巽宮馬出

酉方未申馬酉申戌亥占乾中

又月獨火方 正月起巳逆行即六害也

又忌牛火血方

子年午 丑年子 寅年丑 卯年未

辰年寅 巳年申 午年卯 未年酉 申年辰

酉年戌 戌年巳 亥年亥

又月方日同

正未 二丑 三寅 四申 五卯 六酉 七辰

八戌 九巳 十亥 十一子 十二午

又忌牛飛廉方并年月方日同

子丑年月在辰 寅卯年月在午 辰巳年月在

申 午未年月在戌 申酉年月在子 戌亥年

月在寅

取六畜並忌向鶴神詳見六甲類

田家五行卷十
又忌飛燕日方

正戌 二巳 三午 四未 五寅 六 七

八 九 十 十一 十二

浴蚕吉日

甲子 丁卯 庚午 壬午 戊午

出蚕吉日 庚午是蚕父生日尤許

甲子 庚午 癸酉 壬午 乙酉 甲午 乙未

癸卯 乙巳 丙午 丁未 戊申 甲寅 戊午

繰絲吉日

子 寅 午 申 酉 亥日及成收開日

蚕房凶日 庚戌蚕姑死日並令忌之

典買佃驛田吉日

開滿成收值黃道日吉戊巳及赤口日凶

黃道吉日 捷法十二字云道遠幾時通達路遙何

日還家

正七月起子 二八月起寅 三九月起辰 四

十月起午 五十一起申 六十二起戌 各以

各以道加順數十二辰過字從起者是黃道

明星吉日 並與前法合但道字無明星何字却有

天德日

田家五行卷十

六

七

正丁 二甲 三壬 四辛 五亥 六申 七癸
八寅 九丙 十乙 十一巳 十二庚

月德日

正五九月丙 二六十月甲 三七十一月壬
四八十二月庚

赤口日以月建上起初一日順數如辰戌二位是
雜陰陽書曰凡種禾寅申忌乙丑

祥瑞類

兩岐麥謂一稈而秀兩穗也主時年祥瑞又主其
田秋必倍收其家日必驟進又主太平之兆漢史

云桑無附枝麥穗兩岐張君為政樂不可支○紫

燕來巢主其家益富此燕與烏燕同類而異凡名

曰舍鵲兒又名黃腰燕子營巢却與烏燕絕不相

似余所居村巷有此燕巢者僅二家一巷之最溫

潤者亦僅此二家又凡燕巢長及大者主吉祥北

向者令人家道興旺更利田蚕也○凡六畜自來

占吉凶諺云猪來貧狗來富猫兒來開質庫○一

云雞來貧蓋雞之得失尋常有之何足為異因猪

雞音相近俗傳之誤昔有一人言其家主翁召是

富室長者忽隣家走一猪入其猪欄未遠長者取

之長者故意妄言多之猪數以攘其猪其人不敢
索而去遂致廢弛富室○破碗上下作兩截斷而
齊者名曰無底碗大吉往往以上截書古語於其
中懸東壁謂祥瑞也○近有一友人云數年前曾
見上洋高仲明家有一無底碗謂其祥瑞懸之東
壁其齊如截愛若至寶不三年其家貨財大進田
連阡陌今則為當地田戶○凡牛退齒每每凡不
得而知見若有見其齒已脫在口候而得之者大
吉利主三年內大發○猫洗面至耳主有遠親至之
喜○黃昏雞啼主有天恩好事或有減放稅糧之

喜○臘月廿五日夜赤豆粥鑊滾則三年大發○
猫犬生子皆雄主其家有喜事○三白大吉謂白雀
巢簷白鼠穿屋白魚入舟也○鼠咬人幘頭帽子
衫領主得財喜百日內至○半夜前作數錢聲者
主招財吉○鼠狼來窟其家必長吉○犬生一子
其家興旺諺云犬生獨家富足○春初獺祭魚忽
有人拾得其遺殘者食之大吉○鵲噪簷前主有
佳客至及有喜事○蛇脫殼人有見之者主大發
迹○燈花不可剔去至一更不謝明日有吉事半
夜不謝主有連綿喜慶之事或有遠親信物至誘

云燈花今夜開明朝喜事來久陰天息燈燈煤如
炭紅良久不過明日喜晴諺云火留星必定晴久
晴後火煤便滅主喜雨○長墩忽然門內泥土自
然墳去起成墩者謂之長墩主其家長進余嘗記
幼時曾見東郊有一村店始於賣酒營生僅以自
已忽門內泥土自然墳起店主謂其祥瑞愛護不
鋤日見漸高家亦日益遂添賣香燭麩麩之類踰
年愈高成墩不勝添進人口積蓄米麥乃大興販
京果海錯南貨等物無所不有雖百里之外或富
室或寺院咸來垂顧動以千緡每殘年及春季口

有數千緡交易長夏門亦如市四方馳名遠近日
為巨富三十年後墩漸平下家亦暗消○凡見鼠
立主大吉慶○嘗聞余大父言昔中年一元旦曾
於庭前溝口獨見一鼠對面拱立心雖不以為怪
亦謂頗奇因向之曰爾亦知泰來之賀耶其鼠復
如揖拜之狀而去大父晚年子孫蕃衍家事從容
至老康健壽享八十九歲可謂吉慶矣後因以此
事問前輩乃云嘗於雜書中曾見此說名曰狼恭
鼠拱主大吉慶必有陰德所致而然○已上數事
初非好奇以惑衆皆以目擊耳聞實確可考之言

始附卷末以脩田家五行中之一事云爾
祥補拾遺凡出入遇合物及犬過橋大吉所謀皆
遂錢穀豐盈

附田家五行拾遺

五月二十日大分龍魚雨而有雷謂之鎖雷門雷
主當地少雨至正壬辰春末夏初水至既非桃花
亦非黃梅去而復來進退不已余家所種低田數
多正苦於插種過時田中積水車峻未有乾期此
日尚且勉強督工喜晴固好然八風周旋正不知
吉凶如何至申時忽東南陣起見掛帆雨隨有雷
三四聲方且驚愕忽見一老農拱手仰天且連稱
慚愧不已因問其故答云今日無雨而有雷謂之
鎖龍門復拱手相賀喜躍或問此處無雨他處却

雨如何老農云晴雨各以本境所致為占候也幼
聞父老言前宋時平江府崑山縣作水災隣縣常
熟却稱旱上司謂接境一般高下之地豈有水旱
如此相背之理不准後申其里人直赴於朝訴諸
史丞相丞相怪問亦然衆人因泣下而告曰崑山
日日雨常熟只聞雷丞相謂有此理悉聽所陳至
今吳中相傳以為古諺又諺云夏雨隔田晴又云
夏雨分牛脊又云龍行熟路正此謂也其年果熟
晴多雨少自此日至立秋止雨兩番○秋八九月
內值甲子其日有雷主人多暑死○重午日大雨

主田內無遺帶謂有風水故也○七月有雨名洗
車雨主八月有蓼花諺云七月七無洗車八月八
無蓼花○梅花西南風急則名曰哭雨風正雨立
至易過若微微之風最毒應在時裡方來必大凶
○時裡西南風微和或每晚轉東必是旱兆纔是
風急仍舊作雨○夏至風色看交時最要緊屢驗
○諺云晴乾鼓響雨落鍾鳴唐詩云寒城雨翳中
又云不勞鍾鼓報新晴○颶母船上人名曰破蓬
掛蓋言見此物蓬必為風所破矣○天氣濕熱鬱
蒸主有風古語云熱極則生風○語云東南風跳

擲三日退一尺○六月初三日略得雨主秋旱收
乾稻蘇秀人云此日略得雨則西山及南海不斫
篙竿○小暑日晴雨亦要看交時最緊○六月六
日雨謂之湛轆耳雨言田中之水多也○大凡喜
忌風雨在得中為准假如此一時即占候喜何方
風得此風色為正微和極應若是顛狂大作則反
為凶又云好此一時即忌何方風遇此風微最美
若得大作反不為灾占雨亦然也往往歷試甚驗
盖亦過猶不及之理也琴瑟絃索調得極和則天
道必是一望略無纖毫方能如是若是調卒不齊

則必陰雨之變盖亦氣候所到而然也若高潔之
弦忽自寬則因琴牀潤濕故也主陰雨之象春初
夏末天氣暴暄凡庭柱與板壁之類濕潤如流汗
王有陣頭雨至田蚕火占水旱之事燒生炭盆中
法並同俱載十二月之內○灶灰帶濕作塊天將
變作雨兆○凡夜夢見已斃之人並是陰晦之象
天道不雨則陰變也○凡鑄鍾若灰而成則其地
方在百里內稻無收盖鐘之為物亦大既成則奪
其造化之秀故王災

新刻田家五行紀歷撮要

田舍子

婁元禮

鶴天

集

全庵子

胡文煥

德甫

校

正月

百年難遇歲朝春○歲朝東北五禾大熟○歲朝西北風大水害農功○八月穀旦晴明宜穀○上八日不見參星月半不見紅燈○元宵無雨多春旱○一日陰人料食一升二日陰人料食二升○風吹上元燈雨打寒食墳○甲子豐年丙子旱戊子蝗蟲庚子叛惟有壬子水滔滔只

在正月上旬看○一日雞天氣晴人安國泰四
夷來貢二日狗無風雨即大熟言猪晴明君安
四日羊春氣暖臣順君命五日馬如晴明四望
無怨氣六日牛日月光明即大熟七日人晴明
民安君臣和會八日穀夜見星辰五穀豐熟

二月

十夜以上雨水鄉人盡叫苦○十二日晴徹夜夜

雨却不怕○雷初發聲在水門其年有水亥子方為

水門也○社日必有雨諺云社公不契舊水又云

社公不契乾糧○立春後第五戊是社

三月

三月無三卯田家米不飽○初三日田雞上晝叫

上鄉熟下晝叫下鄉熟終日叫上下鄉俱熟○

田雞叫得啞三青變作鮓田雞叫得啞田裏收

稻把田雞叫得響田裏好牽槩○三月初三晴

桑葉掛銀瓶雨打石頭斑桑葉錢上楚雨打石

頭流桑葉好喂牛○注云此日黃姑浸種○清明曬得

楊柳枯十隻糞缸九隻浮音扶○清明無雨少黃

梅○雨打紙錢頭麻麥不見收雨打墓頭錢今

年好種田○門前插柳青農人休望晴門前插

柳焦農人好作嬌○清明午前晴早蠶熟午後
晴晚蠶熟○三月初三雨打石頭遍桑葉三錢
片又云三日尚可四日殺我言四日尤貴○穀
雨日辰值甲辰蠶麥相登大喜忻穀雨日辰值
甲午每箔絲綿得三斤

四月

夜雨損小麥諺云小麥不怕神共鬼只怕四月八
夜雨○麥秀風搖稻秀風澆○有利無利只看
四月十二此日宜晴忌西南風吹百錢足動若
東南風吹動足百錢十分好○有穀無穀只看

四月十六○四月十六日烏漉禿不論高低一
齊熟○十六日上早低田好種稻少○立夏日
無暈無水有暈主做湖塘○看魚散子占水黃
梅時水邊草上看散子高低以下水增止○四
月二十八日小分龍當雨不雨謂之分嬾龍少
雨○日煖夜寒東海也乾○佛生日晴有菓子

五月

芒種逢壬便立梅○初一日雨落人喫百草○初
一雨落井泉浮初二雨落井泉枯初三雨落連
太湖○重午雨落絲綿貴重午日蓬乾農人喜

歡○雨打梅頭無水洗牛雨打梅額井底開拆

○黃梅寒井底乾○夏至未過水袋未破○夏

至要東南風晴是白抄風○梅裏一日西南時

裏三日潭潭時裏一日西南却准梅裏三日雨

○迎梅一寸送梅一尺○梅裏雷低田拆舍歸

○梅裏一聲雷時中三日雨○黃梅天日多幾

畚顛○夏至端午前又手種年田○迎梅雨送

時雷送了去永不回○冬青花未破黃梅雨未過

冬青花已開黃梅雨便來○夏至有雲三伏熱

夏至不要日暈有暈有水無暈無水○冬青花不落乾地

○夏至前鴉鴉叫有車箇再喫無車箇笑○夏

至日雨落謂淋時雨主久○夏至前蟹上岸夏

至後水到岸○時裏西南老鯉奔潭無雨○二十

日大分龍要晴○夏至日得雨其年必豐○夏

至日箇雨一點值千金○朝西暮東風正是旱

天公○五月大種瓜不過唾○夏至日西南急

風急沒慢風慢沒○五月小種秧必須早○船

解風雲起旱魃精空歡喜仰面看青天頭巾落

在麻林裏○二十雨落二十一蠶拔子黃秧便

種豆○夏至日莫與人種秧冬至日莫與人打

更○小暑日雨落黃梅顛倒轉○端午日雨來
年大熟○分龍之日農家於是日早以米篩盛
灰籍之紙至晚視之若有雨點迹則秋不熟穀
價高人多閉糶

六月

六月初一一劑雨夜夜風潮到立秋○六月初三
晴山篠盡枯零○六月不熟五穀不結○六月
蓋夾被田裏不生米○六月西北風主稻秕穀
凶○六月無蒼蠅新舊米相登○六月旦日值
夏至歲多飢饉餓○伏裏西北風臘裏船不通

主大○六月西風吹遍草八月無風秕子稻○
冰凍○六月西風吹遍草八月無風秕子稻○
處暑雨不通白露枉相逢○三伏中大熟冬必
多雨雪○螞蟻蟬叫稻生芒○夏末秋初一劑
雨賽過唐朝萬斛珠○陰陽書言從夏至第三
庚為初伏第四庚為中伏立秋後初庚為末伏
故謂之三伏

七月

七月秋蔕到秋六月秋便罷休○朝立秋暮颼颼
夜立秋熱到頭暮颼颼作○立秋日要西南風
主稻禾倍收三日三石四日四石○立秋日天

氣清明萬物多不成熟○七夕天河去探米價
回快米賤回遲米貴○立秋日雷名秋躡躡損
晚禾亦云秋霹靂主晚稻秕○七月十五日
蕎麥生日俗語十四日蕎麥生日○七月十六日
名洗鉢雨

八月

八月初一日晴連冬旱○雨好種大小麥并薑○
分社合日並田叫屈分了社穀米遍天下社了
分穀米如錦墩○八月十一日無橫降雨水起
好種麥來年水少○白露前是雨白露後是鬼

○白露日屬火難種菜蔬○白露號天收若有
雨則損穀謂之苦雨成露落若稻遇之則白殺
蔬菜遇之則苦○社了分穀米不出村分了社
穀米如苔鮓○秋分在社前斗米換斗錢秋分
在社後斗米換斗豆○八月十一日作水則子
在水邊占來水旱水不到則子無水未過則子
有水○田怕秋旱人怕老窮○早禾怕北風晚
禾怕南風○立春立秋後第五戌為社也○立
秋四日下水便是硬漢○三卯三庚麥出低鄉
三庚二卯麥出拗巧麥出高鄉

九月

重陽無雨一冬晴○重陽濕漉漉穰草千錢米主歸

荒○重陽看風色東北風石崇口內風萬物盡

結實○北風范丹口內風實是無教喫

十月

十月無壬子留寒待後春○初一日東北風雨太

公○十月雷人死耙兒推○十月雷內霧主來

年五月內有水二百單五日○賣綿絮婆婆只看十

月朝無風無雨哭號咷○立冬日晴主有魚

十一月

冬至後三成入臘○冬至風與夏至相對○冬至

前米價長貧兒受長養冬至前米價落貧兒轉

消索○要知下年閏且看冬至後幾日剩○清

臺占法云冬至後一日得壬炎旱千里二日得

壬小旱三日得壬平四日得壬五穀豐五日得

壬少水六日得壬大水七日得壬河決流八日

得壬海番騰九日得壬大熟十日至十二日得

壬五穀不衣

十二月

兩春夾一冬無被煖烘烘○臘雪是被春雪是鬼

○若要麥見三白○十二月裏霧無水做酒庫
霧主半月旱准十月內五日霧○除夜東北風
五禾大熟○除夜犬不吠新年無疫癘○冰結
後水落主來年旱冰結後水漲名上冰冰主水
若緊厚來年大水

雜占

生逢本命壽增一紀○春甲子雨乘舡入市夏甲
子雨赤地千里秋甲子雨水頭生耳冬甲子雨
飛雪千里○己亥庚子己巳庚午謂之木土有
雨○甲日雨下乙日晴乙日雨下十日陰○庚

辛相物寅卯不同色○久晴不雨且看戌己久
雨不晴且看丙丁○久晴逢戌雨久雨望庚晴
○壬子日雨主灶荒○風急雨落人急客作○
上火不落下火滴剗○四季壬子要晴此日有
雨名水生日春人無食夏牛無食秋鳥無食冬
魚無食又名小竈荒○東風急備簑笠○荒年
無六親旱年無鶴神○太婆年八十八不曾見
東南陣頭發○明星照爛地天亮必有雨○日
沒胭脂紅無雨必有風○月暈主風日暈主雨
○東鯨晴西鯨雨對日鯨不到晝○朝出曬殺

暮出沒殺

蛇蚓

○日頭楚雲障晒殺老和尚○

日生兩耳斷風絕雨○日落西方雲明朝雨紛

紛○雨打五更日曬水坑○朝看天頂穿暮看

四方懸○烏雲接日明朝不如今日○日落雲

裏走雨落半夜後○乍啓晝沒啓齋下晝雨濟

濟○南耳晴北耳雨○病人怕肚脹雨落怕天

亮○一個星保夜晴○朝看東南晚看西北○三

月桃花水五月黃梅水六月賊水八月橫降水

○甲午旬中無燥土○未雨先雷舡去步歸○

當頭雷無點雨○夾雨夾雪無休無歇○日沒

烏雲半夜響明朝曬得背皮焦○月照後壁人

喫狗食○西南陣經過落三寸○月如仰瓦不

求自下月如彎弓少雨多風○火老鴉含水叫

未晴亦主雨晝陰名哭水鳥○旱年只怕沿江

跳水年只怕太湖紅○河東西好仗犁河射角

好夜作○春寒雨夏寒晴○雲行東車馬通雲

行西脚踐泥雲行南水平潭雲行北好晒穀○

冬壬寅夏甲申有雨米貴○月子側水無滴月

子仰水漾漾○一點雨似箇釘落到明朝也不

晴一點雨似箇泡落到明朝也不○春寒秋

熱蘇杭兩浙○大寒無過丑寅大熱無過未申
○槐熟宜來歲麥棗熟當年禾○冬無雪麥不
結○鶴神上天過羊晴下地過牛無雨晴○鶴
神轉方食春喫瘟癘夏喫水秋喫稻禾冬喫米
○論月初始生前月大盡初二晚見前月小盡
初三晚見諺云大二小三見月也難○禾稼成
雲之時辰日雨生蟲未日雨生蟲○深耕勤種
猶有天災情農自安何以為生○農人以雪水
浸種穀倍收仍不生蟲○十二月間不可使牛
耕田蓋天寒冷牛骨跨此日破此大有損○馬

糞曬乾以壟田則肥穀盛○黍稷稻粱禾麻菽
粟謂之八穀○秔米新熟者動氣經再年者亦
能發病江南人多收火稻○凡種五穀以長
生旺日種者多實尤惡苑日種者收薄以忌日
種者敗傷又用成收滿平定日為佳○小豆忌
卯稻忌辰禾忌丙黍忌丑麻忌寅米小麥忌戌
大麥忌子大豆忌申凡九穀不避忌種多傷敗
也○凡種諸豆與油麻大麻等若不及時去草
必為草所蠹耗雖結實亦不多○諺云麻耘地
豆耘花麻須初生時耘豆花開時耘尚可○種

菜豆宜地瘦不宜肥○凡米囤上須用一尺厚
礮糠蓋之頻頻取出曬乾易之米則不壞○貯
麥必烈日曝乾桑熟以麥剉碎再罨一宿詰朝
復曝明朝復曝而藏之免出飛蛾○三川饑有
青衣童子曰世人厭棄五穀地司已收其神矣
可相率祈謝穀父蠶母當致豐稔○肥田法菜
豆為上小豆胡麻次之皆以五月及六月概種
之七月八月耕殺之春種穀卽一畝收十石其
力與先蠶沙熱糞同矣○臘日種麥來年必熟凡
種二麥小忌戌大忌子麥屬陽固宜乾原稻屬

陰故宜水澤○小麥不過冬大米不過年○種
麥之法土欲細碎溝欲深爬欲輕撒欲勻麥芒
殼也金也金而生火旺而死以來有穗者從久
謂之麥○刈麥時必須於烈日中收仍暴乾其
穗方可堆積不然一兩日蒸爛盡化為蛾○穀
樹上接桑其葉肥大桑上積梨脆美而甘○撒
子種桑根莖雞脚葉薄而蠶薄絲少○白桑葉
大如掌而厚得親厚而堅絲美倍常桑葉生衣
而皺者號曰金葉非特蠶蠶不食而木亦將就
槁矣先椹而後葉者葉必少午日不得鋤桑園

○浙間植桑斬其桑而栽之謂之嫁桑却以螺殼覆其頂恐梅雨所浸損其皮故也二年即盛

附東方朔探春歷記

田舍子 婁元禮 鶴天 集

全庵子 胡文煥 德甫 校

甲子日立春高鄉豐稔水過岸一尺

春雨如錢 夏雨調勻 秋雨連綿 冬雨高懸

丙子日立春高鄉豐稔水過岸一尺 別本云水懸岸九寸

春雨多風 夏雨平田 秋雨如玉 冬雨連綿

戊子日立春高鄉豐稔水過岸一尺 別本云水懸岸九寸

春雨連綿 夏雨寸岸 秋風不厚 冬雪難期

庚子日立春低處熟高鄉不熟水懸岸七寸 別本懸岸

七

春雨來遲 夏雨過時 秋雨平岸 冬雨成池

壬子日立春高低熟水平岸

春雨出鼠 夏雨漸來 秋雨無定 冬雨雪災

乙丑日立春低處稔熟水懸岸一尺一寸

春雨雖勻 夏雨無晴 秋雨如金 冬雨沉沉

丁丑日立春低鄉熟高鄉豆好水懸岸四尺

春雨不息 夏雨均勻 秋雨懸望 冬有軋風

巳丑日立春低鄉熟水懸岸四尺五寸

春雨風雹 夏雨遲遲 秋雨隔日 冬雨無期

辛丑日立春高低豐稔水主平岸

春雨生蟲 夏雨少稀 秋雨霖滴 冬雨風濃

癸丑日立春高低皆熟水主平岸

春雨連夏 夏雨多風 秋雨天晴 冬雨三春

丙寅日立春高低豐稔水懸岸五寸 別本云水懸齊口尺五寸

春雨晴陰 夏雨平傾 秋雨微微 冬雨連春

戊寅日立春低田豐稔水懸岸四尺

春雨雪風 夏雨田乾 秋雨夏疾 冬雨懸懸

庚寅日立春高低熟水懸一尺三寸

春雨風惡 夏雨雪雹 秋雨如春 冬又雨惡

壬寅日立春高低豐稔水平岸

春雨到岸 夏雨相倍 秋水浩瀚 冬雪不時

甲寅日立春低處豐稔水懸岸六尺

春雨多顛 夏雨乾田 秋雨滴瀝 冬雨高天

丁卯日立春高低熟水懸岸五寸別本云水懸岸四尺五寸

春雨多風 夏雨無跡 秋雨晴復 冬雨高空

巳卯日立春低鄉夫熟高處不熟水懸岸八尺別本

水懸岸

春雨如金 夏雨高天 秋雨苗損 冬雪滔滔

辛卯日立春高鄉熟水過岸二尺

春雨連連 夏雨平田 秋雨傷時 冬旱可憐

癸卯日立春高處豐稔水過岸一尺別本懸岸一尺

春雨無限 夏雨低飛 秋雨無限 冬雨難期

乙卯日立春低處豐稔水平岸別本懸岸一尺

春風多雪 夏雨連連 秋稔霖霖 冬雨雪傾

戊辰日立春高低豐稔水平岸

春雨隔日 夏雨連綿 秋雨風電 冬雨連連

庚辰日立春高低大熟水懸岸九寸

春雨滴瀝 夏雨平岸 秋田又雨 冬水極濃

壬辰日立春高處好施工水過岸一尺二寸別本懸

東方朔探春歷已

岸一尺
二寸

春雨有風 夏雨流傾 秋雨黃梅 冬雨風惡

甲辰日立春高低豐稔水平平

春雨霖瀉 夏雨相隨 秋雨不返 冬雨低微

丙辰日立春低鄉熟水懸岸六尺別本云懸岸七尺

春雨如金 夏雨大作 秋雨風高 冬雨到年

己巳日立春低豐稔高處旱水懸岸四寸別本懸岸四尺

春雨過岸 夏雨不多 秋雨多沒 冬雪雨多

辛巳日立春高處豐稔水過岸六寸別本云水過岸六尺

春雨調身 夏雨平傾 秋雨風作 冬雪沉沉

癸巳日立春高鄉好水懸岸一尺

春雨均勻 夏雨低岸 秋雨高天 冬雨微暖

乙巳日立春高鄉大熟水平岸別本水懸岸五尺

春雨不時 夏雨平池 秋雨湛溥 冬雪前知

丁巳日立春低鄉豐稔水懸岸五尺

春雨不落 夏雨無多 秋雨無滴 冬雨生波

庚午日立春高處豐稔水懸岸二寸

春雨平岸 夏雨傷苗 秋雨少吉 冬雪濃霜

壬午日立春高低盡熟水懸岸五寸

春雨無數 夏雨傷田 秋風多雨 冬雪無形

甲午日立春高低豐稔水平岸

春雨雪落 夏雨連梅 秋風小雨 冬雨雪疫

丙午日立春低田大熟水懸岸三尺五寸

春雨人疫 夏雨微微 秋雨淋淋 冬雪難積

戊午日立春低處得熟水懸岸五尺

春雨不多 夏雨平池 秋雨相連 冬雪寒多

辛未日立春高鄉少熟水懸岸一尺三寸

春雨不至 夏雨顛風 秋雨過岸 冬雪懸懸

癸未日立春高低豐稔水懸岸三寸

春雨累日 夏雨平塍 秋雨多疾 冬雪連春

乙未日立春低鄉豐稔水懸岸一尺五寸

別本懸四寸

春雨調勻 夏雨損霖 秋雨雪雹 冬雨如秋

丁未日立春高下大熟水平岸

春雨多病 夏雨浪瀟 秋雨如梅 冬雨雪疫

己未日立春高低得熟水懸岸五寸

春雨迢遙 夏雨連秋 秋雨微少 冬雨雪少

壬申日立春高鄉大熟水懸岸五寸

春雨均勻 夏雨過田 秋雨暗傷 冬雨高天

甲申日立春高鄉豐稔水平岸

春雨多疫 夏雨平田 秋雨平岸 冬雨乾寒

丙申日立春低處得熟水懸岸四尺

春雨微微 夏雨風西 秋雨難保 冬雹雪雷

戊申日立春高低豐稔水平岸

春雨調霖 夏雨過梅 秋雨風水 冬雪成堆

庚申日立春低處熟水懸岸四尺

別本云水懸岸五尺

春雨中少 夏雨平流 秋雨微微 冬雨風急

癸酉日立春高低豐稔水平岸

春雨多雷 夏雨平岸 秋雨透岸 冬雨高天

乙酉日立春低處熟水懸岸四尺

春雨無風 夏雨天陰 秋雨平田 冬雨不息

丁酉日立春高低盡熟水平岸病多死人

別本懸岸二尺

春雨全無 夏雨過連 秋雨風惡 冬雨少微

巳酉日立春高低大熟水平岸

春雨無風 夏雨到梅 秋雨淋漓 冬雨依依

辛酉日立春低處得熟水懸岸二尺

春晴少雨 夏雨調澤 秋雨平傾 冬雨雪多

壬戌日立春低處豐熟水懸岸五尺

春雨高天 夏雨懸懸 秋雨蟲損 冬積雪團

戊戌日立春高低大熟水懸岸一尺

春雨應時 夏雨高危 秋雨風惡 冬雨雪稀

庚戌日立春高低盡熟水過岸一尺別本過岸四尺

春雨不風 夏雨濛濛 秋雨沾潤 冬雨無踪

壬戌日立春高低鄉豐稔水過岸別本一作平岸

春雨不時 夏雨平田 秋雨不降 冬雨多連

乙亥日立春高低鄉熟水過岸一尺

春雨連夏 夏雨連秋 秋雨播岸 冬雨災憂

丁亥日立春高低鄉熟水過岸一尺別本一作水平岸

春雨時作 夏雨風電 秋雨連綿 冬雪泡凍

己亥日立春高低鄉豐稔水平岸

春雨人疾 夏雨淋淋 秋雨依依 冬雨雪電

辛亥日立春高低鄉豐稔低處淹沒水平岸

春雨低微 夏雨過池 秋雨雪電 冬雪夢兒

癸亥日立春高低豐熟水懸岸一尺

春雨均勻 夏雨低田 秋雨漸漸 冬暖高天

月平水歷已

東方朔老幼言方

卷之六



律